

Namminersorlutik Oqartussat

**2016-imut Kalaallit Nunaanni
aatsitassarsiorluni ingerlataqarnermi
isertitat**

Imaasa allattorsimaffiat

Qupperneq

Aqutsisut uppersaallutik atsiornert	1
Kukkunersiuisup arlaannaannulluunniit attuumassuteqanngitsup uppersaalluni atsiornera	2
Naatsorsuutiniq suliaqarnermi periaaseq atorineqartoq	4
2016-imi aatsitassarsiornermi ingerlatanik isertitat	7
Nassuiaatit	8

Aqutsisut uppernarsaallutik atsiorderat

Ullumi ulloq Kalaallit Nunaanni aatsitassarsiornermi ingerlatanit 2016-mi isertitanut naatsorsuutit Kalaallit Nunaanni Namminersorlutik Oqartussanut saqqummiuppavut. Aammattaaq naatsorsuutit imaraat aningaasat ataatsimut katillugit Aatsitassanut Ikummatissanullu Aqutsisoqarfiup akiliutinit, akitsuutinit aalajangersimasumik siunertalinnit aammalu utertitsinernit tigusimasaannut nassuiaat kiisalu ataatsimut katillugit aningaasartuutit aningaasartaannut Aatsitassanut Ikummatissanullu Aqutsisoqarfimmi aningaasartuutitut matussutissatut akilerneqarsimasunut nassuiaat.

Kalaallit Nunaanni aatsitassarsiornermi ingerlatanit 2016-mi isertitanut naatsorsuutit, Kalaallit Nunaanni Namminersorneq pillugu inatsimmi nr. 473, 12. juuni 2009-imeersumi kapitali pingajuanut Kalaallit Nunaanni Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq naapertuuttumik saqqummiunneqarput.

Naatsorsuutitut suleriaaseq toqqarneqartoq tulluurtutut isigaarput, taamaalilluni Kalaallit Nunaanni aatsitassarsiornermi ingerlatanit 2016-mi isertitanut naatsorsuutit isertitanik 2016-imi agguarneqartussanik eqqortumik takussutissiipput.

Nuuk, ulloq 25. september 2017

Namminersorlutik Oqartussat

Kukkunersuisup arlaannaannulluunniit attuumassuteqanngitsup uppernarsaalluni atsiornera

Naalakkersuisunut

Naatsorsuutit Kalaallit Nunaanni aatsitassarsiorluni ingerlatanit 2016-imi isertitanut tunngasut kukkunersiorpavut, tassani pineqartunut ilaavoq naatsorsuutininik suliaqarnermi 2016-imi aatsitassarsiorluni ingerlatanit isertitat nassuiaatillu periaaseq atorneqarsimasoq.. Naatsorsuutit Kalaallit Nunaanni Namminersorneq pillugu Inatsit nr. 473, 12. juuni 2009-imeersumi kapitali 3 Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq malillugu suliarineqarput.

Naalakkersuisut naatsorsuutininut akisussaaffiat

Kalaallit Nunaanni aatsitassarsiornermi ingerlatanit isertitanut naatsorsuutininik suliaqarnissaq Naalakkersuisut akisussaaffigaat, taakkua Kalaallit Nunaanni Namminersorneq pillugu inatsimmi nr. 473, 12. juuni 2009-imeersumi kapitali oingajuannut Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq naapertuuttumik eqqortumik takutinneqartussaallutik. Naalakkersuisut aamma suliaqarfiup iluani nakkutiginninnermut, Kalaallit Nunaanni aatsitassarsiornermi ingerlatanit isertitanut annertuunik kukkusumik paasissutissiissutitaqanngitsumik naatsorsuutininik suliaqarnermut pisariaqartut Naalakkersuisut isigisaannut akisussaasuupput, tassani kukkusunik paasissutissiinerit sumiginnaanikkut imaluunniit kukkunikkut pisimanersut apeqqutaanani.

Kukkunersuisup akisussaaffia

Uagut akisussaaffigaarput kukkunersuiunerput tunngavigalugu ukiumoortumik nalunaarusiaq pillugu inerniliinerit saqqummiunnissaat. Nunani tamalaani kukkunersuisarnermi malitassanut aammalu Kalaallit Nunaanni kukkunersuisarnermut inatsit malillugu piumasaqaatit annertunerusunut naapertuuttumik kukkunersuiineq suliaararput. Tamatumani pisariaqarpoq ileqqorissaarnissamut piumasaqaatit malissagivut kiisalu Kalaallit Nunaanni aatsitassarsiornermi ingerlatanut naatsorsuutit annertuunik kukkusunik paasissutissartaqanngitsumik suliarineqarnerat annertuumik qulakkeerniarlugu kukkunersuiineq pilersaarusiussagippat ingerlatissallugulu.

Kukkunersuiinermi Kalaallit Nunaanni aatsitassarsiornermi ingerlatanit isertitanut naatsorsuutini aningaasartanut paasissutissanullu kukkunersuiinermi uppernarsaatissarsiniarluni, kukkunersuiilluni iliuuseqarnermik suliaqarneq ilaavoq. Kukkunersuiinermi iliuutsinut toqqarneqartunut kukkunersuisup naliliinera apeqqutaavoq, ilanngullugit Kalaallit Nunaanni aatsitassarsiornermi ingerlatanit isertitanut naatsorsuutini annertuunik kukkusunik paasissutissaqarsinnaaneramik aarlerinaataasunik naliliineq, apeqqutaatinnagu tamanna sumiginnaanernik imaluunniit kukkunernik pissuteqarnersoq. Aarlerinaataasunik naliliinermi kukkunersuisup suliaqarfiup iluani nakkutiginninneq suliffeqarfiup Kalaallit Nunaanni aatsitassarsiornermi isertitanut naatsorsuutaannik suliaqarnermut attuumassuteqartoq eqqortumik takussutissiisoq isumaliutersuuteqarfigisarpaa. Tamatumunnga siunertaavoq kukkunersuiinermi iliuutsinik pisut malillugit naleqquttumik ilusiliinissaq, kisiannili suliffeqarfiup suliaqarfiup iluani nakkutiginninnerata sunnuteqarluartuunera pillugu inerniliinissamik siunertaqarani. Kukkunersuiinermi aamma aqutsisooqatigiit naatsorsuutininik suliaqarnermut suleriaatsimik toqqaanera naleqquttuunersoq, aqutsisooqatigiit naatsorsuutitigut

missiliuinera naapertuuttuunersoq, kiisalu Kalaallit Nunaanni aatsitassarsiornermi ingerlatanit isertitanut naatsorsuutit ataatsimut isigalugu saqqummiunneqarneri ilaatinneqarput.

Isumaqarpugut kukkunersiuiinermi uppernarsaat anguneqartoq naammattoq aammalu inerniliinissatsinnut tunngavissatut naleqquttusoq.

Inerniliineq

Isumaqarpugut 2015-imut Kalaallit Nunaanni aatsitassarsiornermi ingerlatanit isertitanut naatsorsuutit, Kalaallit Nunaanni Namminersorneq pillugu inatsimmi nr. 473, 12. juuni 2009-imeersumi kapitali pingajuannut Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq annertunerusutigut naapertuuttoq.

Paasissutissat ilassutaasut

Inerniliinerput allangortinngikkaluarlugu maluginiaquarput Kalaallit Nunaanni aatsitassarsiornermi ingerlatanit isertitanut naatsorsuutit, Kalaallit Nunaanni Namminersorlutik Oqartussat, Kalaallit Nunaanni Namminersorneq pillugu inatsimmi nr. 473, 12. juuni 2009-imeersumi kapitali pingajuannut Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq, naapertuuttumik nalunaarusiornissamik pisussaaffeqarnerat naammassiniarlugu suliarineqarmata. Tamatuma malitsigisaanik naatsorsuutit siunertanut allanut atussallugit naleqquttuunngissinnaapput

Nuuk, ulloq 25. september 2017

Deloitte

Kukkunersiuiinermut suleqatigiit ingerlatseqatigiiffiat naalagaaffimmit akuerisaasoq

Claus Bech

kukkunersiuisartoq naalagaaffimmit akuerisaq

Naatsorsuutininik suliaqarnermi periaaseq atorineqartoq

Kalaallit Nunaanni aatsitassarsiornermi ingerlatanit 2015-mi isertitanut naatsorsuutit, Kalaallit Nunaanni Namminersorneq pillugu inatsimmi nr. 473, 12. juuni 2009-imeersumi (Namminersornermut inatsit) kapitali pingajuannut Kalaallit Nunaanni Namminersorlutik Oqartussat aamma naalagaaffiup akornanni aningaasatigut imminnut susassareqatigiinneq naapertuuttumik saqqummiunneqarput.

Naatsorsuutininik suliaqarnermi periaaseq atorineqartoq ukiumut kingullermut naleqqiullugu allannguuteqanngilaq.

Naatsorsuutininut ilanngussuineq uuttuinerlu ataatsimut isigalugu

Kalaallit Nunaanni aatsitassarsiornermi ingerlatanit isertitanut naatsorsuutit, Kalaallit Nunaanni Namminersorlutik Oqartussat naatsorsuuserinerlut qullersaqarfianit naatsorsuutitigut paasissutissat tunngavigalugit suliarineqarput, taamaalillunilu naatsorsuuserinerlut suleriaaseq Kalaallit Nunaanni Namminersorlutik Oqartussat ukiumoortumik naatsorsuutaannik saqqummiisarnermut atuuttup assinga tunngaviusumik atorineqarluni.

Angusanik naatsorsuinerlut isertitat isertinneqarneri malillugit ilanngunneqartarput aningaasartuutilli aningaasartat kisitsisitaat ukiumut naatsorsuiffiusumut tunngassuteqartut ilanngunneqarlutik.

Akuersissutit aalajangersimasut naapertorlugit isertitat

Akuersissutit aalajangersimasut naapertorlugit isertitat Namminersorneq pillugu inatsimmi § 7, imm. 2 nr. 1 naapertorlugu naatsorsorneqarput, tassanilu ilaapput nalunaaruteqarnermut akiliut, ukiumoortumik nunaminertamut akitsuutit, akitsuutit siunertanut aalajangersimasunut tunngasut il.il. kiisalu pisuussutininut akileraarut (royalty) aamma sinneqartoorutininut suliffeqarfiup akiliutai. Aammattaaq ilaapput akitsuutit pisinnaatitsissummik pigisaqartup akuersissut tunniunneqartoq naapertorlugu suliaqarnissamut pisussaaffini naammassisimangippagu akilersinneqartartut. Akitsuutit suliaqarnissamut pisussaaffinnik naammassinissimanginnermut atasut Kalaallit Nunaanni aatsitassarsiornermi ingerlatanit isertitanik naatsorsuinerlut toqqaannartumik ilaapput

Suleriaaseq naapertorlugu akiliutit il.il. tiguneqartut, ukiup akiliummik il.il. akiliisitsiviusup kingorna ukiut tallimat tikillugit Aatsitassanut Ikummatissanullu Aqutsisoqarfimmi aningaasartuutininik utertitsilluni akiliuteqarnermut atorineqarsinnaapput. Akiliutit il.il. atorineqarsimangitsut tamatuma kingorna Kalaallit Nunaanni aatsitassarsiornermi ingerlatanit isertitanik naatsorsuinerlut ilaasussaapput.

Aatsitassanut Ikummatissanullu Aqutsisoqarfimmi aningaasartuutininut matussutissanut aningaasartuutit

Aatsitassanut Ikummatissanullu Aqutsisoqarfimmi aningaasartuutininik matussutissatut isertitat, Namminersorneq pillugu inatsimmi § 7, imm. 2, nr. 1 naapertorlugu naatsorsorneqarput. Aatsitassanut Ikummatissanullu Aqutsisoqarfimmi aningaasartuutit tasaanerupput nalunaaquttap akunneri atukkat, nalunaaquttap akunneri maannakkut atorineqartut malillugit naatsorsugaasut kiisalu avataaneersunut

aningaasartuutit allat assersuutigalugu siunnersortinut avataaneersunut, eqqartuussissuserisunut aningaasartuutit, takusaanermut il.il. atatillugu angalanermut aningaasartuutit.

2015-imi nalunaaquttap akkunnerisa atukkat naatsorsornerannut akiusoq nalinginnaasoq nalunaaquttap akunneranut 731 koruuniusoq atornerqarpoq. Nalunaaquttap akunneranut akiusoq 2014-imi 724 koruuniutillugu naatsorsorneqartoq nalinginnaasumik akigitaavoq, akiusut aningaasarsiallu ineriartornissaattut naatsorsuutigineqartumut naapertuuttumik iluarsineqarluni, takuuk 2015-imut Aningaasanut inatsimmut nassuiaatit nalinginnaasut.

Naatsorsuutiniq suliaqarnermi suleriaaseq atorneqartoq

Kalaallit Nunaanni akileraarusiinermit isertitat

Kalaallit Nunaanni akileraarusiinermit isertitat Namminersorneq pillugu inatsimmi § 7, imm. 2, nr. 2 naapertorlugu naatsorsorneqarput, tassanilu ilaapput pisinnaatitsissummik pigisaqartumit ingerlatseqatigiiffimmu akileraarutit ukiumi nalunaaruteqarfiusumi Nunap karsianut akileneqartut. Akileraarutit aalajangiiffigineqarnerisa imaluunniit pissutsit allat pisinnaatitsissummik pigisaqartup ukiuni siusinnerusuni akileraarutaannik aalajangiinermik allannguisut malitsigisaannik iluarsinerit ukiumi akileraarutit iluarsineqarfianni isertitatut ilanngunneqassapput.

Ingerlatseqatigiiffinni piginneqataassutinit isertitat il.il.

Ingerlatseqatigiiffinni il.il. piginneqataassutinit isertitat Namminersorneq pillugu inatsimmi § 7, imm. 2, nr. 3 naapertorlugu naatsorsorneqarput:

Ingerlaavartumik ilanngussisarneq:

Tassani ilaatinneqarput ingerlatseqatigiiffinni il.il., akuersissutit aalajangersimasut naapertorlugit Kalaallit Nunaanni aatsitassanik misissueqqaarnerit, misissuinerit imaluunniit piiaanerit iluanni aatsitassarsiornermut suliaqarfinni suliaqarnermik ingerlatsisunit Kalaallit Nunaanni oqartussat toqqaannartumik imaluunniit toqqaannangitsumik piginneqataassutaannit isertitat.

Isertitat Kalaallit Nunaanni oqartussaasut suliffeqarfiup ukiumi nalunaaruteqarfiusumi akileraaruteqataasussatut isertitaanni piginneqataassutaasa annertoqqataattut naatsorsorneqarput, iluanaarutit agguanneqarsimasut ilanngaatinerat aamma ingerlatseqatigiiffimmu aammalu iluanaarutinut akileraarutit akileneqarsimasut ilanngaatinerat ilanngunneqarluni.

Isertitat naatsorsorneqartut amigartoorfiusimappata tamanna ukiumi kingusinnerusumi ilanngaatineneqartussatut allanneqassaaq.

Tunisiniinermi iluanaarutit:

Aammalu suliffeqarfinni ilaatinneqartuni Kalaallit Nunaanni oqartussaasut piginneqataassutaannik tunisiniinermi iluanaarutit ilanngunneqassapput. Kalaallit Nunaanni Namminersorlutik Oqartussat pisinermit akiliutaannik naatsorsuinermit naliliinneqartumut, Kalaallit Nunaanni Namminersorlutik Oqartussat 31. decembari 2008-imi piginneqataassutaasa annertoqqataat aallaavigineqarpoq. Tunisiniinermi iluanaarutaasup naatsorsornerani pisinermit akiliut piffissami piginnittuuffiusumi iluanaarutinik akiliummik kiisalu takuuk matuma siuliani 2009-mut kinguliinullu isertitanik ingerlaavartumik ilanngunneqartunik iluarsineqartarpoq.

2016-mut suliffeqarfiit makkua naatsorsuinermit ilaatinneqartut paasineqarpoq (31.12.2016 piginneqataassutaasoq ungaluusami allassimavoq):

- Nunaoil A/S (100 %)
- NunaMinerals A/S (33,4 %)

- True North Gems Greenland (7,61%)
- Greenland Ruby A/S (8,57%)
- LNS Greenland A/S (8,57%)

Kalaallit Nunaanni iluanaarutinit akileraarutinit isertitat

Kalaallit Nunaanni iluanaarutinit akileraarutinit isertitat Namminersorneq pillugu inatsimmi § 7, imm. 2, nr. 4 naapertorlugu naatsorsorneqarput, aammalu ilaapput pisinnaatitsissummik pigisaqartumit iluanaarutinit akileraarutit ukiummi nalunaaruteqarfiusumi Nunap karsianut akilerneqartut.

2016-imi aatsitassarsiornermi ingerlatanit isertitat

	<u>Nassuiaat</u>	<u>2016 t.kr.</u>	<u>2015 t.kr.</u>
Akuersissutit aalajangersimasut naapertorlugit isertitat:	1	9.737	10.613
Kalaallit Nunaanni akileraarusiinermit isertitat		1.497	3.027
Ingerlatseqatigiiffinni il.il. piginneqataassutinit isertitat		0	0
Kalaallit Nunaanni iluanaarutinit akileraarusiinermit isertitat		<u>0</u>	<u>0</u>
Isertitanut nassuiaassut naapertorlugu isertitat katillugit		<u>11.234</u>	<u>13.640</u>

Nassuiaatit

t.kr.

1. Aatsitassanut Ikummatissanullu Aqutsisoqarfimmi aningaasartuutinik matussutissatut aningaasartuutit

2016:

Akiliutit, akitsuutit, aningaasartuutininut matussutissat il.il.	9.296	
Misissuinissamat pisussaaffimmik naammassinninnginnermut tiguneqartut		3.707
Ilanngaaseereermermi isertitat ukiumit siusinnerusumit nuunneqartut	19.126	
Aatsitassanut Ikummatissanullu Aqutsisoqarfimmi aningaasartuutit akilerneqartut:		
Nammineq nalunaaquttap akunnerinut atukkanut aningaasartuutit naatsorsorneqartut	(1.449)	
Aningaasartuutit avataaneersunut tunngasut allat	(2.170)	
- Taakkunanga Aatsitassanut Ikummatissanullu Aqutsisoqarfiup nammineq aningaasaataannit akilerneqartut	<u>0</u>	<u>(3.619)</u>
		28.510
Kingusinnerusukkut aningaasartuutaasussanut matussutissatut saqqummiunneqarput	<u>(18.773)</u>	
Isertitanut nassuiaassummut nuunneqarput	<u>9.737</u>	<u>9.737</u>

2015:

Akiliutit, akitsuutit, aningaasartuutininut matussutissat il.il.	6.300	
Misissuinissamat pisussaaffimmik naammassinninnginnermut tiguneqartut		339
Ilanngaaseereermermi isertitat ukiumit siusinnerusumit nuunneqartut	24.602	
Aatsitassanut Ikummatissanullu Aqutsisoqarfimmi aningaasartuutit akilerneqartut:		
Nammineq nalunaaquttap akunnerinut atukkanut aningaasartuutit naatsorsorneqartut	(2.187)	
Aningaasartuutit avataaneersunut tunngasut allat	(1.884)	
- Taakkunanga Aatsitassanut Ikummatissanullu Aqutsisoqarfiup nammineq aningaasaataannit akilerneqartut	<u>0</u>	<u>(4.071)</u>
		27.170
Kingusinnerusukkut aningaasartuutaasussanut matussutissatut saqqummiunneqarput	<u>(16.557)</u>	
Isertitanut nassuiaassummut nuunneqarput	<u>10.613</u>	<u>10.613</u>